

**RESOLUCIÓN DE ALCALDÍA Nº 152/2015**

1. Vista a necesidade deste Concello de realizar obras de Saneamento de fecais AVECIL-este (Ponte Caldelas).

2. De acordo co artigo 121 do Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público, a adxudicación dun contrato de obras requirirá a previa elaboración, aprobación e replanteo do proxecto técnico que debe conter os documentos aos que fai referencia o artigo 123 do Real Decreto Legislativo 3/2011 e os seus correlativos do Real Decreto 1098/2001 de 12 de outubro. Con carácter previo á aprobación de todo proxecto de obra pública municipal deberá aportarse informe xustificativo da conformidade do proxecto co planeamento e normativa urbanística do Concello de Ponte Caldelas. Ditos replaneo e informe foron expedidos polo Técnico municipal con data 30 de xaneiro de 2015.

3. O expediente será obxecto de tramitación ordinaria e adxudicación mediante procedemento negociado sen publicidade, ao abeiro do disposto no artigo 171.d. do Real Decreto Legislativo 3/2011.

4. En data 30.01.15 a Xunta de Goberno Local aprobou o proxecto e solicitada unha subvención á Deputación Provincial de Pontevedra en virtude do Plan Provincial de Obras e Servizos, en data 27/02/2015 foi concedida unha axuda por un importe global para varios proxectos de 169.694,33 €

5. Constan no expediente orzamentos para a Coordinación de Seguridade e Saúde de 25.03.15 e para a Dirección de Execución Material da Obra de 26.03.15.

6. En data 06.04.15 elaboráronse os Pregos de Cláusulas Administrativas Particulares.

7. Consta no expediente informe conxunto de Secretaría e Intervención así como certificado de Intervención de data 06.04.15, no que se acreditaba a existencia de crédito suficiente e adecuado para financiar o gasto que comporta a celebración do contrato.

**Á vista do exposto, RESOLVO:**

**Primeiro.-** Aprobar o expediente de contratación das obras descritas da **SANEAMENTO DE FECAIS AVECIL ESTE (PONTE CALDELAS)**, incluídas no proxecto técnico, aprobado e debidamente replaneado, e cun orzamento de execución por contrata que ascende a contía de **81.495,82 € (IVE INCLUÍDO)**, mediante procedemento negociado.

**Segundo.-** Designar como Director de Obra ao Técnico municipal, D. Antonio Liste Alejandro, como Directora de Execución Material da Obra a D<sup>a</sup> Ana Belén Crespo Iribarne e como Coordinador de Seguridade e Saúde a D. Ángel M. Roncero.


**Terceiro.-** Aprobar os pregos de cláusulas administrativas particulares e o Anexo I de descrición de melloras e valoración.

**Cuarto.-** Aprobar o gasto por importe de **81.495,82 € (IVE INCLUÍDO)** con cargo á partida 160/619.00 do vixente orzamento municipal para o ano 2015.


**Quinto.-** Disponer a apertura do procedemento de adxudicación, polo procedemento negociado sen publicidade por razón da súa contía, para a contratación da obra da **DE SANEAMENTO DE FECAIS AVECIL ESTE (PONTE CALDELAS)**, mediante invitación a catro empresas, de acordo co proxecto técnico e co prego de cláusulas administrativas particulares que se aproban, e que se consideran, ambos, parte integrante do contrato, fixando o tipo de licitación máximo ascende a **67.351,92 euros máis o IVE (Total 81.495,82 euros)**.

**Sexto.-** Invitar a participar no procedemento negociado ás seguintes empresas:

- Construcciones Caldevergazo, SL
- Construcciones EC Casas, SL
- COVSA – Construcciones, Obras y Viales, SA
- Construcción Taboada e Ramos S.L.

  
O Alcalde,  
Asdo.: Perfecto Rodríguez Muíños

Ponte Caldelas, 6 de abril de 2015

O Secretario,  
  
Asdo.: Jacobo Barreiro Pimentel